

中国公共图书馆古籍文献珍本汇刊·史部

明抄本万历起居注



中国公共图书馆古籍文献珍本汇刊·史部

明抄本万历起居注(十)

全国图书馆文献缩微复制中心

明抄本万历起居注目录（十）

万历二十七年上		一
万历二十七年下		二一七
万历二十八年		三八九

萬曆二十柒年



大學士趙志

臯沈一貫謹



題

皇長子講讀經書內書經已於去年十二月
講完臣等看得學必溫故乃能知新書經
一書乃齊治均平之大法五經之中尤為
緊要臣等擬於今年即以此書再行溫講
庶幾尋絳涵泳以為
睿學之助者不淺臣等未敢擅便謹

題奉

旨朕覽卿等所奏皇長子講讀書經已完可讀禮記
其書經間日還帶溫習以盡博文約禮次序工
夫該衙門知道

是日大學士沈一貫謹

題今日文書官盧受傳出

御前黑字揭帖開採橫嶺礦務錦衣衛正千戶鄭一
麟一本奏白蓮^坡寺處採出礦砂陸續煎成餅銀
一十六兩五錢恭進適有熟識南直隸土著官
民王國用等稱說口開清江浦等處往來客貨

蜩集乞

勅內臣高案督同王國用等前去計貨立店徵收稅銀以助大工事奉

聖旨銀兩着內庫收這所奏京口閘土著官民王國用等獻店徵租准着差御馬監左監丞高案督率王國用等前去會同彼處撫按官徵收銀兩解進以濟國用務要奉公守法不許擾害地方店名廣寧與做寫勅與他該衙門知道羽林左衛中所百戶馬承恩一本奏儀真等處請復舊稅理財最便特遣內府供用庫官暨祿督同徵銀類

解以助大工事奉

聖旨這所奏儀真縣等處舊制設立抽稅衙門今被
勢豪奸商侵徭隱昧著差內府供用庫官暨祿
督率原奏官前去會同彼處撫按等官照舊復
徵稅課銀兩解進以濟國用寫勅與他該衙門
知道欽此到閣竊惟臣受

皇上極重之恩凡可以宣揚
德意足

國裕民者敢不將順顧思此事

皇上深居九重豈能盡知臣不敢不一言以罄忠悃

臣惟我

朝軍國錢糧絲毫皆出于江南今江南疲弊之極而
又尚荒歉頻仍之際小民嗷上思亂甚可寒心
况儀真與京口止是一江之隔不上一二里地
豈有可以兩稅之理徒令內官與外官政務
紛雜棍徒奸黨肆惡橫征商旅不行農民重困
皇上仁民愛物之意抑而不揚二十餘年
鴻名盛德從此傷損

南京根本之地與國家財賦之區因此搖動也
且此兩處稅銀不過

十餘萬兩取之小民甚以為困而

國家視之所得幾何必欲取盈亦無難處今賴

天地祖宗之靈貺

皇上之洪福海氛既清東師可罷則每年浪費可節

者多儉宮用有乏之時雖

令戶兵二部偶或設處進用亦無不可在部之臣必

當竭力恭體

上進豈敢抗違是不煩

至心籌度而坐享四海之奉且令群小絕窺伺之奸

息培剋之謀而天下享安靜和平之福又增光

聖德使人誦

萬壽無疆也臣不勝忠愛欲

皇上繼堯舜之復稱為

萬古聖明之主輒此倦待

命之至奉

旨朕覽卿奏情詞懇切具見忠愛至意連年以來西
討東征兼發賑濟以致帑藏匱竭目今兩宮雖
已就緒三殿將次興工且有應行典禮若非設
慶財用安忍加派小民所奏兩處地方不遠京
口聞已免差遣儀真縣寺處照前旨行該部知

道

十七日戊戌大學士沈一貫

題昨日文書官盧受傳奉

聖意令臣撰京口儀真二稅

勅書臣偶有愚具揭進

奏倉卒置詞恐致觸忤不意蒙被

採納即免京口一差臣愚下情豈勝踴躍自古惟唐

虞之朝有都兪吁咈之盛今臣遭逢何幸同此

夫君曰都而臣曰兪君曰吁而臣曰咈是是非

非此何足以見堯舜之盛惟君以為是而臣執

為非卒能擇善用中舍已從人此所以為堯舜
也益之戒舜曰儆戒無虞罔失法度罔遊于逸
罔淫于樂任賢勿貳去邪勿疑疑謀勿成百志
惟熙罔違道以千百姓之譽罔拂百姓以從己
之欲無怠無荒四夷來王夫堯舜大聖人也何
至有喻佚法度與夫遊逸淫樂諸事哉而益倦
倦以此致戒乃知一日萬幾豈能委曲無失惟
能受言此所以為堯舜也今日
國家財計因征討賑濟
宮工等費以致絀乏此後尚須有

聖諭
殿工典禮繁費所宜措處誠如

皇上不忍加派于小民而欲取足于商稅又誠不得
已之心臣體

國憂思未嘗不日夜念此而與主計者相對輦蹙
也但思財計惟用兵為不可料筭今東氛淨息
實免大費以後

殿工典禮惟在

聖心何如

聖心若加體悉而容所司次第斟酌不致浮浪數年

之內就緒何難似不必過為預憂也孟子有言
無政事則財用不足故不憂財用之不足而憂
政事之不舉大學有言財聚則民散財散則民
聚故臣不憂財用之不足而憂民心之惑離宋
臣司馬光有言天地間財貨止有此數不在官
則在民蓋銀錢在世其數不多散于民間則遠
近流轉子母相權而賴以養活之人衆聚于公
所則積而不流母錢日少而相生相養之利微
通都大邑之中若有千金之商數人本處數萬
人家皆養給衣食于其間而成富庶之國管仲

治齊專務通商以成霸業率此道也臣伏觀
皇上登奎以來憂民之言不絕于口而近今以來似
覺憂

國之心過勝茲蒙

轉圜仰見

聖心至仁初無今昔臣遇以為此事第當專責部臣
不須多術在昔

皇祖時亦有工作亦有典禮亦嘗用兵更多虜患而
皇祖未嘗憂財之不足則以付之所司而委任之于
始責成之于終耳

皇上惟法

祖攸行將見

高居安享而成無為之治尚何煩

霄肝之憂臣奉

御批不勝喜躍感謝

天恩因滙未盡愚悃臣無任戰兢之至謹具

題

知

二十二日癸卯大孝士趙志臯

奏為遵例自陳乞

賜罷免以清政本事該吏部

題今萬曆二十七年例該考察京官四品以上者
俱許自陳以候

上裁遵奉

欽依臣例該自陳伏念臣緣無智術本乏材能誤蒙
先帝選授於清華維荷

聖明收錄於廢棄每憂覆餗常抱捧盈是以通籍已
三十餘年乃至乞疏凡數十餘上蓋臣之性簡
直臣之心迂疎既不善桔槔以取容又不引藤
蔓以自固嶺南被謫自甘百折以不回江左授